

**Amar L. 22 rep**

**Abaabulka iyo ka shaqaynta xabsiyada.**

**MAAMULKA WASAAYADA TALYANIGA EE SOMALIYA**

**MAAMULAHAD**

Kadib marki la arkay dekreetada Madaxweynaha Jamhuuriyadda lamba. 2357 ee 9 Disember 1952;

Kadib markii la aqoonsaday baahida in la naadimiyo qaabka guud ee hey'adaha xabsiyada ee Dalka;

Kadib markii la arkay qodobka 8 ee Heshiiska Maamulidda dhulka Somaliya;

Kadib markii la arkay qodobka 4 ee Baaqa Mabaadi'da Dastuuriga ah eek u lifaaqan Heshiiska Maamulida;

Kadib markii la arkay qodobka 4 ee dekreetada Madaxweynaha Jamhuuriyadda lamba. 2357 ee 9 Disember 1952.

**WAXAA LA AMRAY**

**Qod. 1**

Waxaa lagu dhisi doona hey'adaha xabsiyada dekreeto ka soo baxday Maamulaha Guud.

**Qod. 2**

Hey'adaha xabsigu wuxuu u kala bixin doono:

- Xabsiyada ku meel gaar ah;
- Xabsiyada dembiyada caamka ah;
- Xabsiyada dembiyada gaarka ah.

**Qod. 3**

Waxaa lagu tilmaamay xabsiyada ku meel gaarka ah:

- Galshiraha dhexe;
- Galshiraha Degmooyinka.

Xabsiyada ku meel gaarka ah waxaa loogu tala galay maxaabista rumaanka ah oo xukun sugeyaal ah. Galshiraha degmooyinka waxaa loogu tala dambileeyaasha xukun aan ka badneyn 6 bilood lagu xukumay.

**Qod. 4**

Xabsiyada dembiyada caamka ah waxaa loogu tala dembileyaalka xukun uu ku dhaco.

**Qod. 5**

Xabsiyada gaarka waxaa loogu tala galay dhallinta aan gaarin 18 sano iyo kuwa lagu xukmiyey xarigga shaqada banaanka laga qabto.

**Qod. 6**

Maamulasha hey'adaha xabsiga waxaa soo magacaabi doono Maamulaha Guud.

## **Qod. 7**

Ilaalinta hey'adaha xabsiga ee dalka waxaa u xilsaaran Wakiilada Ra'sul Wasaaraha, Garsooraha Gobolka iyo gobaaha uusan saldhig ku lahayn waxaa iska Madaxa Degmada.

## **Qod. 8**

Wakiilka Rai'sul Wasaaraha, Garsooraha Gobollada oo u xilsaaran fulinta xukun xabsi ah oo ka badan 6 bilood, waa in loo qondeeya maxaabistaasi xabsiga xukumada guud.

Fulinta xukumada oo uu ku dhawaaqay Qaadigu waxaa u xil saaran Madaxa Degmada ee qaabilسان.

## **Qod. 9**

Haddii ay maxaabistu ka tiro badnadaan intii loogu tala galay, ama ay la soo xariiraan arrimo amni, Wakiilka Ra'sul Wasaaruhu wuxuu u qondeyn karan in maxaabista la geeyo qeybo kale.

Wakiilka Rai'sul Wasaaruhu isago ka baraan degaaya culeyska dembiga uu galay, asbaabaha u geeyey in uu fal dembiyeedkaasi uu galo, sida u dhaqankiisu yahay, xaalada noololeeyd ee maxbuuska iyo qoyskiisa, wuxuu amri karaa in loo wareejiyo xabsiga degmada oo u dhaw halkiaa uu maxbuusku ku noogaa.

## **Qod. 10**

Xabsi kasto waa in lagu tixgeliya markii la kala qeybinaaya maxaabsta, nooca dembiga la galay, da'da maxbuuska iyo shaqada la xukumay.

## **Qod. 11**

Xukunka kasto waxaa wehliyo in ay waajib tahay in la shaqeeyo Xabsiga intii lagu jiro.

Eedeysanayaasha xiran haddii ay codsadaan waxaa loo ogolan kara in ay shaqeeyaan.

Qeybta xabsiga ee loogu tala galay dadka da'ada yar, shaqadu waa in ay noqotaa mid aqoon kororsi ah oo keliya.

Maxaabista waxaa la faraya in ay ka qeyb qataan waxbarashada xabsiyada dheddooda.

## **Qod. 12**

Kharaj fulinta xukumada xarigga ah, xabsi ku haynta iyo dhowrista maxaabista waxaa u xil saaran Maamulka.

## **Qod. 13**

Maamulku wuxuu soo saari doonaa dekreetoyin iyo xeer nidaamiye habeeyn doono hirgelinta amar-sharcigaan.

Moqdisho, 26 Nofember 1954.

Maamulaha

**Martino**